

嘉慶庚子陽春

1150.82
35
= 126

嘉慶四年
陽

嘉慶四年二月刊

嘉慶安陽縣志序

曰嘉慶安陽縣志者何也仿元和郡縣志而作也是志始纂於康熙三十一年安陽縣知縣馬君國楨再纂於乾隆三年安陽縣知縣陳君錫輅閱今又六十年矣希璜於乾隆五十七年壬子由夏邑調任安陽次年癸丑延太倉王明經開洪次年甲寅延興縣康舍人儀鈞同纂斯志尙未成書而希璜調署濟源藁經散失去年戊午偃師老友虛谷武君億過從與之商確考据爲圖爲表爲志爲傳爲記體例凡五而另編爲錄博取金石以資考證夫圖之爲言度也度地之廣輪而圖之也爾雅釋詁謀也說文計畫難也周禮地官大司徒以天下土地之圖周知九州之地廣輪之數夏官職方氏掌天下之圖以掌天下之地註云圖若今司空郡國輿地圖也表之爲言標也標其年次名位以爲表也說文表上衣也書畢命表厥宅里晉書置茅莚設望表註謂立木以爲表表其位也志之爲言準也以準志將來也說文从心之聲志者心之所之也書盤庚若射之有志疏云如射之有所準志志之所主欲得中也前漢書有十志師古曰志記也積記其事也傳之爲言傳也以傳示後人也說文驛遞曰傳集韻曰訓也賢人之書曰傳紀載事迹以傳於世也記之爲言紀也類記衆事也說文疏也徐曰謂一一分別記之也禮王制大史典禮執簡記註國有禮事則豫執簡記載所當行之禮儀文心雕龍後漢始有公府奏記記之言志述已志也錄之爲言總也

總錄衆事也說文借鈔寫字也公羊傳春秋錄內而畧外禮
檀弓愛之斯錄之矣前漢書于定國傳萬方之事大錄於君
註云大錄總錄也圖以度地故圖爲首表以紀年故次之志
以準事故又次之傳以書人故又次之記以類紀故又次之
錄以總錄故又次而另編之圖表志傳記凡十四卷錄凡十
二卷其考據經史旁求金石虛谷之力居多至於綱舉目張
條分縷析希璜蓋七閱寒暑而後成此書矣嘉慶四年正月
初七日候選同知安陽縣知縣趙希璜序

嘉慶安陽縣志叙錄

河南安陽縣知縣長寧趙希璜主修

一志域地首明圖繪自唐志州縣各有圖經五年乃修歲與版籍偕上嗣是方志多依此例今計里開方爲總圖以徵山川險易爲分圖以志庄里遠近凡縣有徵發追逮視爲程限深足裨於政要

一史家立表年經月緯期於詳畧互見今採職官無事跡可見者惟書其名籍其惠澤一方吏民稱頌卽列入循政記縣之人物亦仿此例既有選舉表標名更集小傳以備徵遺

一爲書各有義例偏方陋邑人物見之史傳不妨備錄若安陽歷代顯人表目正史難以僕數具書全文有同抄胥節存數事亦不歸體要今依齊乘之例凡史有傳者惟書名字註某史有傳

一編錄取諸徵實地理典祀諸志旣取史傳及掌故各書或文集碑刻省志府志縣舊志亦採摭不遺庶免鑿空

一祠祀遵照

會典分列上祀中祀羣祀之目以昭典禮

一縣境南接湯陰東北與內黃臨漳錯壤其間村墟改隸改併以致古跡往往互易茲編具徵舊聞取以入志如蘇堤西河及銅爵臺三縣雖已收錄而宋人言地理者悉指爲安陽今仍存一二

一史爲自叙序傳以見家法相承縣志先後踵修諸君皆盡

採摭之勤故於志末爲傳具書名氏里籍創修續修年月錄其原序以合史氏因文爲傳之義

一金石刻流傳裨於方志自酈氏注水經書某碑在某所後人卽可推識舊跡有所因依茲特爲採輯皆關要據故不憚瑣細具錄

一例皆舊志所未發故畧見端若因文見義具存各篇解人自解不蹈贅言

篇目

紀一

圖六

表四

安陽縣志

叙錄

二

志六

傳四

記二

錄一

卷目

卷首

聖制紀

卷一

縣境總圖

分圖

渠田圖

卷二

沿革表

爵封表

卷三

職官表

卷四

選舉表

卷五

地理志

沿革

疆域

山川

卷六

地理志

建置

卷七

田賦志

卷八

渠田志

卷九

典祀志

卷十

兵防志

卷十一

古蹟志

卷十二

集傳

列傳

叙傳

列女

卷十三

循政記

節孝記

識餘

附

卷十四

藝文附

安陽縣志

叙錄

四

嘉慶安陽縣志卷首

原任博山縣知縣

臣 億

河南安陽縣知縣

臣 希璜

恭紀

聖制紀

韓琦論乾隆十五年九月

夫爲人臣者當國家清夷之際進言納諫理國致治固一代名臣也然值主幼時難之日而能不動聲色措天下於泰山之安者則又所謂國之柱石棟梁非具經濟之才學問智勇迥出流輩者不能韓魏公兩定大計輔相英宗調護兩宮處之裕如天下以治豈非國之柱石棟梁而天下倚賴以安者哉及神宗卽位出之於外然未嘗頃刻有忘君父之心故青

嘉慶安陽縣志卷首

苗之法琦極論其病民遠使之來琦上言處置之方最爲曲盡誠可謂古大臣矣當仁宗中年雖君子道長而小人時或並用及嘉祐以後專任魏公朝廷清明天下樂業英宗卽位又用之不疑君子在朝用臻至治故用賢人者必使小人無以間之然後疑貳之心不生而嚮用之念彌篤也

韓琦贊乾隆十五年九月

奕奕相州維天之中孕祉敏靈間氣所鍾爰生魏公金堅玉潤相厥明時輔成景運弱冠登第聿見嘉祥雲輝日下五色呈光大材不器小用亦效西夏寒心兩宮諧孝齊范駕富宏展經綸臨事決疑正笏垂紳皎皎易汗峽峽易缺維公德量山崇海濶材旣軼世學亦通方光輝事業燦爛文章肅然而

仁毅然而醇猗歟魏公古之名臣

祭韓琦墓文

乾隆十五年九月

惟爾德器恢宏勲庸炳煥早年唱第祥徵捧日之雲前席陳謨夙具回天之力匡扶社稷揚光訓於兩朝潤澤生民活遺黎者百萬處危疑而不懼操心則純粹以精獻臣子所難言秉節則直方而大樹嘉祐治平之偉績紀在太常建涇原秦鳳之威名膽寒西寇朕省方豫省道出相州緬畫錦之遺堂過安陽之故里星還箕尾感櫪馬以皆鳴靈毓山河撫隴松而如在爰脩秩祀用遣專官神如有知尙其歆格

過漳河詩

乾隆十五年九月

一水分燕豫提封制度周當秋巡狩處自古帝王州務本民風厚崇廉吏計修益湏持後效方足慰先憂休助予常切甸宣汝善求滌場欣遇稔供帳戒從優河水安瀾遠嵩陽瑞靄浮閭閻疾苦隱道左共諮諏

豐樂鎮

乾隆十五年九月

一橋接兩堤兩省限一水迎者旣紛來送者亦旋止守臣有爾我予心何彼此周禱寰海內孰非我赤子中州乃初至按轡咨民事叶夾道老幼填瞻就近尺咫蠲租早頒學賜金每問齒笑譁奚必禁奔走紛未已其數無慮萬一一色含喜嗟予有何德子來乃爾爾寒所衣者布饑所食者米比戶日所需直貴固其理旣庶而旣富曰教思所以擾之愛亦害循之順匪弛是處名豐樂高廬慶亦有叶顧名心倍欣熙世無過

是伊洛周鄭間結攬從茲始

安陽道中覽古

乾隆十五年九月

翠阜度安陽秋暄曉露濃韓陵一片石畫錦數間堂建置相
還鄴軍期項與章考尋閒按轡要務讓農桑

大生寺

乾隆十五年十月

秋月安陽路蘭若經未入小陽迴蹕便意行聊訪及龍宮入
部衛雁樓三十級數間靜室幽竹陰城小立過眼雲外賞翻
覺勞補葺

渡漳河


乾隆十五年十月

中土周巡一月強浮橋迴首望安陽往還節換秋冬候迎送
疆分清濁漳拍岸沙痕依次退繡滕麥色較前長時平到處

嘉慶安陽縣志卷首

三

均繁庶益切持盈祝歲穰



安陽縣

全圖


安陽縣志卷一

每方十里

東北至臨漳內黃大名三縣界九十里

東至內黃縣界八十里

東南至湯陰界八十里



安陽縣周
一百五十
里家七十
里週圍共
計五百七
十里

北

南

北至直隸
磁州漳河
界四十里

西北至直隸
磁州界九十里


西南至湯陰林
縣界六十里


南至
湯陰
縣界
三十
三里

西至林縣界七十里


安陽縣志卷一

二





安陽縣志卷一



安陽縣志卷一

五

安陽縣城圖